



PREZIDÊNCIA KONSELLU MINISTRUS

VI GOVERNUN KONSTITUSIONÁL

DÍLI, LORON 21 FULAN-FEVEREIRU TINAN 2017

KOMUNIKADU IMPRENSA

Sorumutuk Konsellu Ministru loron 21 fulan-fevereiru tinan 2017

Konsellu Ministru hala'o ona sorumutuk iha loron-terça ne'e, iha Palásiu Governu, iha Díli, no fó ona mandatu ba Ministru Negósius Estranjeirus no Kooperasaun atu asina **Kompromisu Konjuntu ba Dezenvolvimentu, ho Nova Zelândia**, ne'ebé defini objetivu sira husi akordu ne'e, liu-liu iha área dezvoltamentu sustentável Ekonomia, Edukasaun no Justisa, iha Timor-Leste. Sei tau iha prátika liuhusi Programa Apoiu Nova Zelândia nian, ne'ebé maka prevee investimentu no apoiu iha área-xave nian, liu-liu dezvoltamentu iha setór privadu – atu haree espesial liu kona-ba Agrikultura no Turizmu -, mellora koñesimentu no kompeténsia iha Edukasaun, Seguransa no Justisa. Akordu ne'e sei asina bainhira Primeiru-Ministru hala'o vizita ofisial ba Nova Zelândia, iha semana oin mai.

Konsellu Ministrus aprova tiha ona proposta ne'ebé hato'o husi Ministériu Justisa kona-ba pozisaun Timor-Leste nian kona-ba rekomendasaun sira ne'ebé maka simu ona iha sesaun siklu daruak **Revizaun Periódika Unversál Konsellu Direitus Umanus Nasoins Unidas nian**, ne'ebé maka hala'o iha fulan-novembru tinan 2016, iha Jenebra. Nasaun ne'e, apresenta ona rekomendasaun hamutuk 154 ba Timor-Leste, ne'ebé maka ita-nia país sei apresenta nia resposta iha loron 16 fulan-marsu, iha Konsellu Direitus Umanus nian.

Konsellu Ministrus hili ona loron 13 fulan-janeiru nu'udar **Loron Nasionál Ai-kameli no Floresta nian**, ho objetivu atu fó atensaun liu ba knaar sentral floresta nian iha manutensaun ba ambiente ida ne'ebé saudável, iha konservasaun diversidade balada no ai-horis sira nian, no iha dezvoltamentu ekonómiku. Liuliu ba ai-kameli, [rekoñese ona](#) hanesan ai-horis emblemátika ne'ebé ho valór nasional nian. Loron Nasionál Ai-kameli no Floresta nian la-tama ba-ihá lista Feriadu Nasionál nian no la-tama mós iha data ofisial sira ne'ebé komemorativa ho direitu ba feriadu.

Ministru Estadu, Koordinador Asuntu Ekonómiku sira no Ministru Agrikultura no Peskas nia **proposta kona-ba adezaun iha Konvensaun Internasionál ne'ebé kria Organizaun Mundiál Propriedade intelektuál nian** hetan ona aprovasaun, ho objetivu atu promove protesaun ba propriedade intelektuál



Palácio do Governo,
Avenida Presidente Nicolau Lobato,
Dili, Timor-Leste

pcm.gov.tl@gmail.com
(+670) 33 310 608

iha nivel mundiál liuhusi kooperasaun entre Estadu sira. Proposta ne'e sei apresenta ba Parlamentu Nasionál, atu halo apresiasaun no aprovasaun.

Ministériu Turizmu, liuhusi Sekretaria Estadu Arte no Kultura, apresenta ona **planu implementasaun Akademia Arte no Indústría Kriativa Kulturál sira Timor-Leste nian**, ne'ebé ninia kriaun [hetan tiha ona aprovasaun husi Governu, iha tinan 2012](#). Planu ne'e apresenta vizaun, misaun no estratéjia implementasaun husi instituisaun ensinu ne'e nian. Planu ne'e Komisaun Akompañamentu Akademia maka halo, ho apoiu husi Universidade Charles Darwin.

Rejime Inskrisaun no Obrigasaun Kontributiva ne'ebé apresenta hosi Ministériu Solidaridade Sosiál, sei halo fali ninia análise atubele rezolve kestaun téknika, jurídika no substansiál sira. Iha tempu badak, Rejime ida ne'e sei haruka fali ba Konsellu Ministrus. **REMATA**



Palácio do Governo,
Avenida Presidente Nicolau Lobato,
Dili, Timor-Leste

pcm.gov.tl@gmail.com
(+670) 33 310 608